

मस्तयुगु निंतिं बाइबल
न्ह्यब्बया

तःमिम्ह व
गरिबम्ह मनू



चवमि: Edward Hughes

किपा: M. Maillot; Lazarus
Alastair Paterson

न्हयव्व:म्ह: M. Maillot; Sarah S.

भाय् ह्यूम्ह: Mr. Prem Maharjan

पिकाक: Bible for Children
www.M1914.org

©2023 Bible for Children, Inc.

अनुमति पौ: थव सत्य बाखं सितिकं इना बीत जक थुकिया खँग्व:त कायेफु,
अले छापय् यायेगु निंतिं अनुमति नं ब्यूगु ख: तर थव सफू ध्यबा कया मिइत मखु।



येशूं स्यू अप्वः पुजाहारीत परमेश्वरयात स्वया
ध्यबायात माया याइगु। उपिं निम्ह मनूतयत छु
जुल अले छाया् परमेश्वर मदय्कं तःमि जुयेगु
व्यर्थ खः धकाः वय्कलं इमित धयादिल।
तःमिपिन्सं स्वर्गय् परमेश्वरयाके
जीवन न्याये फइमखु।




छम्ह तसकं तःमिम्ह
मनू दु। वं न्ह्याबलें
तसकं थिकेगु
मलमलयागु वसः
फिना जुइ। वं जुजुया
थें उपिं वसःत फिना
जुइगु खः।



व तःमिम्ह मनूखं सासाःगु नसा नइगु खः अले फुकक नसात
भवय्या थें हे जइगु। वयाके यक्व ध्यबा दु अले वं न्ह्याबले
न्ह्यागुं हे नसा नयेफु।



अले व तःमिम्ह मनूया ध्वाखाय् घाया घा जक दुम्ह
लाजरस धाःम्ह छम्ह फवगिंयात तय्हया तःगु दु।



गरिबम्ह लाजरस तसकं दुःखी जुया
च्वन। व म्हंमफुम्ह खः। मैपिं पाखें
घाः व चोट याना ब्यूगु वयाके दुगु
खः। थथे व तसकं दुःख मन ताय्का
च्वंगु नं जुइफु छायाःसा वयके
नयेगु निंतिं भिंगु नसात मद्दु।



लाजरस नयेगु
निंतिं नसा
माला चवन।
धनीम्ह मनूया
टेबिलं कुतुं
वःगु नासा
नया लाजरस
तसकं खुसि
जुइगु खः।



खिचातय्सं वयाः
वयागु घालय् फ्यया
बीगु जुयाच्च्वन।
खिचात वयागु
चाकःछिं नतुना
चाहिला च्वनिगु
अले वयागु
घालय् फ्यया बीगु
खः। सुनानं लाजस
नयेमास्ति वय्का
च्च्वन धकाः
वास्ता मया।



छन्हु लाजरस
दने हे मफुत
अले वयात
तसकं
नयेमास्ति वल,
छुया छम्ह पासा
मदुम्ह फवगिं
सित। लाजरस
सिइधुंकल।




लाजरस सीगु दिं वयागु निंतिं तसकं
आनन्द जुल। येशूं स्वर्गदूतय्त धाल,
लाजरसयात हया अब्राहाया मुलय् तये
हजि। लाजरसयात परमेश्वरपाखें
सान्त्वना
दत।



छन्हु व धनिम्ह मनू नं सित अले वयागु फुक्क धन सम्पत्तिं
वयात बचय् याये मफुत। आः मृत्यु वल अले सुनानं वयात
पने मफुत।




सायद धनिम्ह मनूयात नं ल्हाके यंकल जुइ अले वयात
ल्हाकेगु ज्याइवः तःधं कथं जुल जुइ। चलाखम्ह अले
तालाम्ह तायेका मनूतय्सं वयागु प्रशंसा यात जुइ। तर व
प्रशंसां वयात ग्वाहालि याये मफुत छाये व नर्कय्
ला वन।




“बाः अब्राहाम, जितः दया यानादिसँ। लाजरसयात वयागु
पतिनं जितः छफुति जक जूसां लः त्वंकेत छ्वया हयादिसँ,
छाय्धाःसा जितः थ्व मिइ तसकं कष्ट जुयाच्चन,” धकाः
नर्क धनीम्ह मनू
तसकं रूवया
हल।




“छ म्वाना चवँतले छं भिंगु भिंगु व
बाबांलाःगु काये खन, लाजरसयाके
धाःसा अबलय् छुं हे मद्दु, वं यक्व
दुःख सिया वल। आः लाजरसयात
सुख जुल, अले छं सास्ति नया
चवने माल। अले जिमिगु व छिमिगु
दथुइ तसकं तःधंगु गाः दु, जिपिं
छिमिथाय् वये फइ मखु, अले छिपिं
जिमिथाय् वये फइ मखु,” धकाः
अब्राहामं धनीम्ह मनूयात
थुइका बिल।



“जिमि न्याम्ह किजापिं अज्जं दनि,
लाजरसयात छकः अन छ्वयादिसँ
इमित थनयागु खँ कनाः ख्याच्चः बीके
माल, धकाः धनी मनूखं बिन्ति यात।”



“इमिथाय् धर्मशास्त्र दु हे दुनि,”
धकाः अब्राहामं लिसः बिल। इपिं न्याम्ह
दाजुकिजापिन्सं थ्व धर्मशास्त्रयात विश्वास
मया धाःसा लाजरसयात सीम्वाका छ्वसां
नं इमिसं विश्वास
याइमखु।



येशू धनीम्ह मनू व लाजरसया बाखं धाये सिधय्कादीबलय्
थथे नं जुइफु, पुजाहारीतय्सं थःथवय् न्यन,
“छु जिं परमेश्वरयात स्वया अप्वः धनयात
माया यानाच्चवनागु दु ला?” इमिसं
परमेश्वरया वचनयात ध्यानबिया
मन्यन धाःसा छु जुइ धकाः
बांलाक थुइकल।



तःमिम्ह व गरिबम्ह मनू

मस्तयुगु निंतिं बाइबलया खँ न्ह्यब्बेया थव परमेश्वनरया
बचन बाइबलपाखें काःगु सत्य बाखं खः गुगु

लूका १६

“छिगु वचन थुइकाबीबलय् जिमित जः दइ।”

भजनसंग्रह ११९:१३०



कवचाल



बाइबलया थ्व सत्य बाखं नं झी अजुचायापुम्ह परमेश्वरया बारे कनाबी
सुनां झीतः दय्कादिल । छं वय्कःयात म्हसिमा धकाः वय्कलं इच्छा यानादी ।

झीसं मभिं गु ज्यात यानागु दुसा परमेश्वरं सिइका कायेफु गुकियात वय्कलं पाप
धयादिल । पापया सजाँय मृत्यु खः, तर परमेश्वरं झीतः यक्वः माया यानादिल ताकि
झीगु पापया नितिं क्रूसय् सीना दुःख कष्ट फयेत वय्कलं थः याकः काय् येशू
प्रभुयात थ्व संसारय् छ्वयाहयादिल । हाकनं येशू प्रभु म्वानाः झायादिल अले
स्वर्गय् थःगु छें झायादिल । थौं झीसं प्रभु येशूयात विश्वास यात धाःसा झीगु पाप
क्षमा यायेत वय्कःयाके बिन्ती यात धाःसा वय्कलं झीगु पाप क्षमा यानादी । अले
वय्कः झीगु नुगलय् दुहांझायादी अनंलि झीपिं सदां वय्कः नापं हे च्वनाच्वनी ।

छुं जुयाः छं थ्व सत्या खः धकाः विश्वास यानागु खःसा परमेश्वरयात थथे धकाः
प्रार्थना याः यःम्ह प्रभु येशू, छि हे परमेश्वर खः, जिगु पापया नितिं सीनादीत छि
मनू जुयाः थ्व संसारय् झाल अले हाकनं स्वन्हु दय्काः म्वानाझाःगु खः धकाः जिं
विश्वास याये । दयायाना जिगु जीवनय् झायादिसँ अले जिगु पापत क्षमा यानादिसँ
ताकि जिं न्हगु जीवन काये फयेमा अले न्ह्याँबलें छि नापं हे च्वना च्वने फयेमा ।
छिगु आज्ञा मानय् यायेत व छिगु सन्तान जुइत छिगु नितिं
म्वायेत जितः ग्वासहालि यानादिसँ । आमेन ।

न्हिया न्हि थं बाइबल ब्वनेगु या अले परमेश्वर नापं खलाबला या । यूहन्न ३:१६

